

NO. SOALAN : 529

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : YB DATUK HAJI SHABUDIN BIN
YAHAYA [TASEK GELUGOR]**

SOALAN : 529

YB Datuk Haji Shabudin bin Yahaya [Tasek Gelugor] minta PERDANA MENTERI menyatakan adakah Kerajaan bercadang untuk membina projek perumahan PR1MA di kawasan Parlimen Tasek Gelugor bagi memenuhi permintaan penduduk yang ingin rumah mampu milik.

JAWAPAN: YB DATO' SERI SHAHIDAN BIN KASSIM,
MENTERI DI JABATAN PERDANA MENTERI

Tuan Yang di-Pertua,

Untuk makluman Ahli Yang Berhormat, projek pembangunan PR1MA akan dibangunkan di seluruh Malaysia termasuklah di Pulau Pinang. Setakat ini Anggota Perbadanan PR1MA telah meluluskan sebanyak 19,966 unit kediaman untuk dibina di Negeri Pulau Pinang iaitu di kawasan Tasek Gelugor, Balik Pulau, Bukit Gelugor, Permatang Pauh dan Bukit Bendera. Kesemua projek – projek ini berada dalam pelbagai peringkat perancangan dan pembinaan.

Lokasi pembangunan PR1MA mengambil kira permintaan pemohon di sesuatu kawasan. Dalam urusan ini, Sistem Pendaftaran Nasional PR1MA menjadi panduan untuk membantu dalam mengetahui permintaan pemohon. Selain itu, PR1MA bersedia untuk mengadakan rundingan dan perbincangan bersama Kerajaan Negeri dan PBT bagi sebarang cadangan berkenaan pembangunan PR1MA di Negeri Pulau Pinang.

Sekian, terima kasih.

NO. SOALAN: 530

PEMBERITAHUAN PERTANYAAN

DEWAN RAKYAT, MALAYSIA

PERTANYAAN : BERTULIS

**DARIPADA : DATUK HAJI SHABUDIN BIN YAHAYA
[TASEK GELUGOR]**

Datuk Haji Shabudin bin Yahaya [Tasek Gelugor] minta MENTERI PERDAGANGAN DALAM NEGERI, KOPERASI DAN KEPENGGUNAAN menyatakan berapakah jumlah Kedai Rakyat 1Malaysia yang telah dibina setakat ini dan apakah perancangan lain yang dilakukan bagi menambah baik kemudahan sedia ada.

JAWAPAN:

Tuan Yang Di-Pertua,

Sehingga kini terdapat **185 buah** Kedai Rakyat 1Malaysia (KR1M) yang telah dibina di seluruh negara. Kerajaan telah menambahbaik kemudahan KR1M sedia ada dengan **menambah bilangan SKU produk 1Malaysia Kedai Rakyat (1MKR)** yang dijual di KR1M kepada 293 SKU berbanding tahun lalu iaitu hanya 234 SKU.

Perancangan lain yang sedang dilaksanakan bagi menambahbaik kemudahan KR1M ialah sebahagian KR1M turut **menjual barang basah** seperti ayam, ikan dan sayur-sayuran yang telah dibungkus dan penjualan barang basah ini akan diperluaskan lagi kepada KR1M lain secara berperingkat.

PARLIMEN MALAYSIA
PEMBERITAHU PERTANYAAN DEWAN RAKYAT

PERTANYAAN : BERTULIS

**DARIPADA : Datuk Haji Shabudin bin Yahaya[
TasekGelugor]**

**SOALAN : minta MENTERI PERTANIAN DAN
INDUSTRI ASAS TANI menyatakan
apakah langkah-langkah yang diambil
Kerajaan dalam membantu pengusaha beras
yang terjejas akibat daripada pemberhentian
program subsidi kepada pengilang untuk
mengeluarkan beras ST 15%.**

JAWAPAN

Tuan Yang Dipertua,

Program Subsidi Beras ST15% diwujudkan adalah bagi membantu pengguna yang berpendapatan rendah menikmati beras bergred 15 peratus hancur ketika krisis harga makanan negara. Di samping itu, subsidi yang disediakan juga adalah bagi menampung kerugian pengilang/ pemborong yang terpaksa mengeluarkan beras berkenaan untuk memenuhi permintaan pasaran.

Para pengilang dan pemberong dinasihatkan menumpukan pengeluaran beras bergred SST5% dan SST10% yang sememangnya tidak disubsidikan dari dahulu. Kerajaan sedang mengkaji langkah-langkah bagi membantu pengusaha beras seperti pengilang dan pemberong melalui kerjasama dengan BERNAS seperti penstrukturran semula Jabatan Pembangunan Usahawan (JPU) Bumiputera BERNAS bagi memberikan insentif harga dan keistimewaan di dalam terma dan syarat urusniaga pembelian beras antara BERNAS dan Pemberong.